



Cussegliaziun cun l'agid dal tablet.

MAD

## «La moda grischuna d'investir daners»

La Banca Chantunala Grischuna lantscha la cussegliaziun d'investiziuns digitala

■ (cp) La Banca Chantunala Grischuna (BCG) ha reorganisà cumpletmain sia cussegliaziun d'investiziuns. Dapi il fanadur profiteschan clientas e clients da soluziuns anc pli individualas, d'ina cussegliaziun digitala sustegnida d'ina software adattada e d'in monitoring che surveglia continuadamain il svilup da lur deposit. Avair la dretga strategia è in element impurtant per avair success cun investiziuns. Ina soluziun individualisada orientada a las finamiras d'investiziun respectivas è consequentmain fitg impurtanta. La nova cussegliaziun d'investiziuns digitala da la BCG reagescha sin las fashentas d'investiziuns adina pli complexas cun ina cussegliaziun innovativa, sustegnida tras programs e che sa basa sin la vasta savida da l'Investment Center. «La BCG preschenta sia cumpetenza d'investiziuns a moda chapibla en il discurs cun il client, uschia che las investidras ed ils investiders èn preparads per las sfidas als martgads da finanzas moderns. La tecnica è impurtanta, la cumpetenza-clav resta dentant la prestaziun da cussegliaziun persunala», conferma il CEO da la BCG *Alois Vinzens*.

### Nova experientscha da cussegliaziun grazia a programs moderns

A partir d'immediat è la cussegliaziun cun visualisaziuns modernas sin il tablet ina part integrala en il discurs cun il client. Il svilup da valurs da facultad e strategias d'investiziun elegiblas vegn preschentà e simulà en temp real. A maun da l'istorgia da la performance daventa visibel co ch'il portfolio è sa sviluppà cun la strategia correspondent en il passà. Per investiziuns futuras simuleschan il client ed il cusse-

gliader comunablamain sin il tablet las schanzas da success da differentas strategias d'investiziun, quai pussibilescha da definir il portfolio a moda conscienta e prospectiva. La visualisaziun gida a maun da las finamiras da rendita e la prontezza da ristgar persunala ad eruir l'optimum da las investiziuns ed adattar il deposit actual. Tar il nov mandat da cussegliaziun BCG pon investiders tscherner lur preferenzas e determinar individualmain per exempel tschertas branschas e valutas u tscherts tiels.

### La purschida adattada per mintga basegn – elegibel a moda individuala

Ils novs products en la paletta d'investiziuns da la BCG sa differenzieschan quai che riguarda la cussegliaziun, ils servetschs cumpigliads ed il model da pretsch. La paletta cumenza tar il deposit d'investiziun BCG cumpact, ina soluziun per investidras ed investiders che vulan decider autonomamain e gavischan pouca cussegliaziun. Il mandat da cussegliaziun BCG cumbina l'expertisa d'investiziuns cun la libertad da decider dal client. El è adattà per investiders che lavuran a moda activa cun lur deposit e decidan sezs davart las investiziuns, che vulan dentant tuttina profitar d'ina cussegliaziun qualifitgada e recumandaziuns d'investiziun. La purschida vegn cumpletada cun il mandat d'administraziun BCG, l'administraziun classica da la facultad. Qua surlascha il client als spezialists d'investiziuns versads las decisiuns en il rom da la strategia tschernida. Per cuntanscher las finamiras definidas reagescha la banca immediat ed autonomamain sin midadas.

### Surveglianza currenta dal portfolio – adina infurmà bain

Cun agid da programs moderns controllascha l'Investment Center BCG cuntinuadamain ils deposits. Tut tenor il servetsch tschernì infurmescha la banca las investidras ed ils investiders davart svilups relevants, en spezial sche quels divergeschan da la strategia d'investiziun definida. Uschia pon ins reagir spert sin svilups actuals e da tut temp controllar las investiziuns. Cun il mandat da cussegliaziun e d'administraziun profiteschan ils clients plinavant da recumandaziuns individualas per optimar il portfolio.

### Success a lunga vista grazia ad individualità e continuitad

La tecnica ed il sustegn dal sistem rendan bain en bliers regards pli chapibel, pli simpel ed – en vista a las pretensiuns regulatoricas – era pli segir l'investir, la cumpetenza-clav resta dentant vinavant il servetsch da cussegliaziun. La Banca Chantunala Grischuna sa concentrescha en quel connex sin la continuitad e l'individualità. Cun la nova cussegliaziun d'investiziuns digitala porscha ella premissas optimalas fashond diever d'ina tecnologia innovativa sco sustegn per la cussegliaziun, la recumandaziun d'investiziuns ed il monitoring. In avantatg central per clientas e clients è la pussaivladad da visualisar e preschentar en temp real las investiziuns.

Infurmaziuns detagliadas davart ils novs products d'investiziun da la Banca Chantunala Grischuna chattais Vus sin [gkb.ch/anlegen](http://gkb.ch/anlegen)